



RELATÓRIU TRIMESTRÁL FUNDU MINA-RAI NIAN

Trimestre ne'ebé termina iha 31 Marsu 2021

KOMUNIKADU IMPRENSA

Banco Central de Timor-Leste (BCTL) ohin lansa Relatório Trimestral Fundu Mina-Rai Timór-Leste nian ba trimestre ne'ebé termina iha loron 31 fulan Marsu tinan 2021. Relatorio ne'e hatudu katak kapitál Fundu nian iha trimestre ikus ne'e mak billiaun US\$18.98 kompara ho billiaun \$18.99 iha fim trimestre dahuluk.

Relatório ne'e mós hatudu katak total reseitas mak simu iha trimestre ne'e hamutuk millaun \$54.18 ne'ebé kompostu husi kontribuisaun *kontribuinte* sira ba Fundu hamutuk millaun \$31.76 no pagamento *royalty* simu husi Autoridade Nasional Petróleo (ANP) mak millaun \$22.41.

Rendimento husi investimento Fundu nian ne'e hamutuk millaun \$150.75 kompostu husi kupaun no jurus ne'ebé simu mak millaun \$76.11, mudansa iha valór merkadu nian millaun \$75.31 no movimento cambiais lakon mak millaun -\$0.66 iha trimestre ne'e. Ne'e rezulta rendimento ba karteira Fundu nian durante trimestre ne'e 0,76% enkuantu rendimento sasukat (*benchmark*) nian ba periodu ne'e mak 0,46%.

Lei Fundu Mina-Rai nian espesifika katak Jestor Operasional (Banco Central de Timor-Leste), mak hanesan ajente responsavel ba jestau operasional Fundu Mina-Rai nian. Ministério Finansas mak responsabiliza atu estabelese estratégia investimento tomak kona-ba Fundu ne'e nian.

Banco Central de Timor-Leste jere ona portofoliu besik liu ho pontu referensia iha trimestre dala lima nulu resin hitu dahuluk. Diferensia entre portofoliu no pontu referensia iha periode nee 31 ponto de base ou 0,31 pursentu. Dezenpenu absoluta retorno fundu nian hahú husi inísiu mak 4,82 pursentu.

Pontu importante husi Relatório Trimestre ba dala LVII, ne'ebé kobre período 01 fulan Janeiru to'o loron 31 fulan Marsu tinan 2021, inklui:

- Kapitál Fundus nian mak billiaun \$18.98.
- Osan kontadu bruto fundus nian tama husi kontribuisaun kontribuinte, *realeza (royalties)* hamutuk mak millaun \$54.18.
- Osan kontadu líquidu ne'ebé sai husi Fundu durante trimestre ne'e hamutuk millaun \$202.03 kompostu husi millaun 200 transfere ba Orsamentu Estadu no millaun \$2.03 kobre kustus jestau nian.
- Reseitas líquidas durante trimestre ne'e hamutuk millaun -145.82.
- Rendimento portofoliu instrumentu merkadu finanseiru iha periodu ne'e mak 0,76% kompara ho rendimento referensia mak 0,46%.

Relatório trimestral, lei Fundu Mina-Rai nian nomós Akordu Jestaun Operasional, disponivel iha portal Banku Central de Timor-Leste nian <https://www.bancocentral.tl>

Dili 03 Maiu 2021

Venancio Alves Maria
Vice Governador

BANCO CENTRAL DE TIMOR-LESTE

Avenida Bispo Medeiros
P.O.BOX 59 - DILI
TIMOR-LESTE

T: +670 331 371 2 / 4 / 5 / 8
F: +670 331 371 3 / 6 / 7
E: info(at)bancocentral.tl